


A fova de  
Cinque Strie



Scrita da-o  
Claodin

Ilustrâ da-o  
GhiGi



Çinque strie  
L'ean 'n fo bosco,  
'nte 'na nêutte  
freida e scûa,  
coa spassûia  
a fâ a rionda  
fâ-an tremâ  
bricco e cianûa



Millemori  
lingoa afiâ,  
a no sta  
sitta 'n momento  
e-a sêu voxe  
desgraziâ  
o fe-a porta  
in gio o vento.  
Ti fa senti  
drento a-e oegge,  
che-a discore  
che-a ratella  
e a sêu lingoa  
a l'ha o venin,  
Millemori  
gran ciattella

Gran fracasso drento a-o bosco,  
 ramaden che te fan puia,  
 crii sinistri, gran risâte  
 so' e striasse in sce-a spassuia

A Veggetta  
 a piggia a gente  
 e pe' un meise  
 ciû a no-a lascia,  
 fa-ammatti  
 figgiêu e grandi  
 ai sfordisce  
 a te-i sconquascia!  
 Forse a l'è  
 fra tûtte cinque,  
 quella meno  
 desgraziâ  
 perché 'n fondo  
 a tûtto-o mondo  
 a regalla  
 o carlevâ



In to bosco e cinque strie  
 sce-a spassûia van e van,  
 mentre i fêughi i se sendan  
 tra e tombe, la in to cian




Meodinn-a,  
 brùtta striassa,  
 vive 'n meso  
 ai çimitei  
 sciorte fêua  
 pe san Zoanni,  
 poan simogge  
 e fêughi vei.  
 Ti te-a veddi  
 in meso a-e tombe  
 con a fatua  
 sêu sciammetta,  
 a te fâ tremâ  
 e zenögge  
 'sta Meodinn-a  
 maledetta

A continua a sarabanda drento a-o bosco,  
 e 'n meso a'n çercio i se ferman  
 e tutte-e strie con di baggi  
 e çento sgrigoe fan pacchetti e fan magie

Se fa o çe ancon ciû neigro  
 froin e lampi, che spavento!  
 E cavalcan ste veggiasse  
 a cavallo de-e ramasse

Baransann-a  
 vestia de sea  
 trasformâ  
 'nte 'na zoeninn-a  
 a s'infriccia  
 in meso ai omni  
 ai-imbarlûga,  
 a te-i imbibinn-a  
 a ghe fâ  
 giâ a testa  
 ghe fâ perde  
 a tramontann-a  
 a te-i fâ  
 innamoâ  
 sta scorlûssöa  
 Baransann-a



A ciû brûtta  
 de 'ste strie  
 con o neigro  
 sêu mantello  
 l'è a Cicchetta  
 co-a messöia  
 a l'è a morte,  
 bambin bello.  
 Fra e sêu sêu  
 a l'è a ciû gramma  
 che a te vegne  
 a vixitâ  
 pe' portâne  
 in fa sêu fann-a  
 da-a quae non  
 ti pêu scappâ

Cinque strie  
i l'ean 'n fo bosco,  
'n te 'na nêutte  
freida e scûa,  
co-a spassûia  
a fâ a rionda...  
ma l'arboi  
l'ha portae via

